

# KODA AWARDS 2023

koda Awards 2023mi saqqummersitanik eqqumiitsuliortunillu innersuussinissami malittarisassat.

Nersornaasiiffisat naliliisussat innersuussinissamullu piumasaqaatit uppermarsarneqarnissaannut periutsillu ataani nalunaarsukkat ukioq naliliiffik 2023-mut atuupput.

Ulluliunneqartut nersornaasiinissamut aaqqissuussaq ukumiit ukiumut tulluussarneqartuartuupput.

## 1. Aaqqissuussaq

1.1. Koda Awards ingerlanneqartarpooq Kalaallit Nunaanni nipilersortartunik nersornaasiisoqarnissaa pillugu.

1.2. 2023mi Koda Awards ingerlanneqassaaq Nuummi Katuami 18.februar ingerlanneqassaaq.

1.3. Koda Awards 2023 aaqqissuunneqarpooq, ataqtigiissaarneqarluni piviusunngortinnejarlunilu siunnersuisooqatigeeqarfimmit (Edvard Lyberth Mørch) Kodap avataaneersut suleqatit taavalu Kodami sulisut allat ilagalugit. Siunnersuisooqatigiiffiup Koda Awards piviusunngortinnejarnissaa tamakkiisumik akisussaaffigaa Siunnersuisooqatigiiffiup aamma Nersornaasiisoqarnissaa sioqqullugu innersuussilernermi, innersuusseriaatsit taavalu taasinermi periuserineqartutut atuutsinneqartussanik sinaakkusiisussaalluni. Maleruaqqusat Kodami sananeqarput.

## 2. Nersornaassiissutaasussat 2023mi

2.1. Koda Awardsimi uku nersornaassiissutaasarput:

1. Ukiumut Nersornaat
2. Isumalluarnartumut Nersornaat (Ukioq allortarlugu tunniunneqartarpooq, tulliani pissalluni 2024)
3. Ataqqinaammik Nersornaat (Ukioq allortarlugu tunniunneqartarpooq, Ukioq manna tunniunneqassalluni 2023)

## 3. Jury - Naliliisussat

3.1. Koda Awards immikkoortoq 2mi pineqartunut tunniunneqartarpooq Kalaallit Nunaanni nipilersornikkut pitsaanerpaamik saqqummersitsisimasumut/-sunut imaluunniit suliniuteqarsimasunut. Kikkut eqqumiitsuliortut, saqqummersitat suliniuteqarsimasullunniit nersornaaserneqassanersut qulequtaritinnejartuni (kategoriini) tamani nersorniarneqassanersut innersuussinissamut periuserineqartussaq ataani pineqartoq aallaavigalugu ingerlasassaaq:

3.2. Ukioq 2022 aallarnerfigalugu siunnersuisoqatigiiffik Koda suleqatigalugu naliliisussanik pilersitsisassaq. Naliliisussatut qinikkat ukioq ataasiakkaartumik atuuffeqartassapput. Naliliisussatut qinersiniarnermi Kodap pingaartippaa assiginngiaaruteqarluartumik ilaasortaqartoqarnissaa inuiaqatigiinni sinniisuunissaat suaassutsikkut, ukiumikkut, suminngaanneerfik siammassisumik sinnerneqarnissaat anguniarlugu. Naliliisussatut ilaasortat qinerneqartassapput nipilersornerup silarsuaani tamakkiisumik isiginnissuseqarsinnaassuseq saqqummertartunut malinnaalluuarsimaneq misilittagaqassuserlu pitsaassutsimillu immikkut eqqumaarinnissuseq aallaavigalugu, soorlu aammattaaq qinerneqartassallutik, Kodap qinigaasut namminneq soqutigisatik kisiisa aallaaviginagit sulisinnaassuseqarnissaat upperaa sulinissaq ingerlanneqassasoq.

3.3 Naliliisussat immikkut eqqumiitsuliornikkut nipilersornermullu ilisimasaqassusermik pigisaqareersuussaapput. Naliliisussat pingarnertut tusarnaarsinnaassuseq aallavigalugu katitigaavoq immikkut eqqumiitsiorput immiusamini pitsaassuseq saqqummiunniangaa, allallu suliniutit innersuunniakkat qanoq inuiattut oqaluttuarisaanitsinni massakkoqqissaaq kalallit nipilersornikkut anersaavannik ineriarornerannullu sunniisinnaassusaat aallaavigalugu.

3.3.1 Naliliisartut aaqqiissugaapput ukunanit inuttalerneqarsimasumit:

- Koda sinnerlugu ilaasortaatitaq
- Katuaq
- NN
- KNR

3.4. Naliliisartut aalajangernissaminut ataasiakkaarlutik saqqummersitanit, eqqumiitsuliortunik suliniutaasunillu innersuussisoqartillugu pitsaassuseq aallaavigalugu karakteeriliisassapput quelequtarineqartumi piumasaqaataasut aallaavigalugit. Naliliisartut karakteerit tunniussaat aallaavigalugu kikkut nersornaaserneqassanersut queleqtanni tunniinneqarfiusussani aalajangersorneqassapput.

3.5 Naliliisimasut atii Koda Awardsimit Nersornaaserneqarsimasut suaarutigineqarnerini ilutigalugu nalunaarutigineqartassapput.

#### **4. Innersuusseriaaseqarnissami piumasaqaatit**

4.1.

##### **Ukiumut Nersornaat**

Qulequtaq (kategori) 1-mi saqqummersitaq/eqqumiitsuliortoq naliliisartunit naliiffissaapput saqqummersitat piffissami 1.januar 2022 – 31.december 2022 iluani saqqummersinneqarsimasut. Saqqummersitaq/eqqumiitsuliortoq ataasiaannarluni innersuunneqarsinnaavoq.

##### **Isumalluarnartumut Nersornaat**

Qulequtaq (kategori) 2-mi uku piumasaqaatit atuupput: Isumalluarnartumut Nersornaammut innersuunneqartassapput kalaallit nipilersornikkut isumalluarnartumik nersornaaserneqarsimasup kingulliup pineraniik ukiut ingerlasimasut aallaavigalugit, piffissamilu pineqartumi immiussilluni/-tik saqqummersitsisimaneq, tusarnaartitsisimaneq, tusarnaartitsisaqattaarluni angalasimanerluunniit aallaavigalugit. Qulequtaq 2mi innersuunneqartassapput nipilersortartutut nipilersoqatigiittullunniit siullerpaamik malunnaatilimmik maluginiarneqalersimaneq aallaavigalugu

##### **Ataqqinaammik Nersornaat**

Qulequtaq (kategori) 3-mi uku atuupput: Ataqqinaammik Nersornaammut innersuussisinnaaneq Naliliisartuniit suliarineqassaa, Naliliisartut immikkut eqqumiitsuliornерup iluani ukiorpanni nipilersoriaatsit tusarnaartuaannarneqarsinnaanerannilu sulisimanermikkut nalileeqataasussatut ilaapput.

Ataqqinaammik Nersornaaserneqassapput nipilersortartut ataasiakkaat imaluunniit nipilersortartoqatigiit nipilersungassianik saqqummersitsinermikkut kalaallit nipilersoriaasiannik piujuannartitsinissamik, nikeriartitsinissamilluunniit imaluunniit atuuttunik apeqqusiisinjaassuseqarlutik suliniuteqartuarsimasunut.

4.2. Kalaallit Nunaanni saqqummersitat tassapput nunatsinni immiunneqarlutillu saqqummersinneqarsimasut, nipilersuusiortutut piginneeqqaartussaasut Kalaallit Nunaanneersut (nunani tamalaani sulifeqarfiit Kalaallit Nunaanni immikkoortortaqarfisaat ilanngullugit) saqqummersitsiviit, pisortatigoortumilluunniit kalaaliusutut paasinqarsinnaasut, saqqummersinneqartullu kalaallimik ilaqrstut imaluunniit Kalaallit Nunaanni nunaqartuunerusunik ilaqluni saqqummersitaasut.

Immiussat eqimattanit suliarineqarsimappata eqimattap amerlanersaat kalaaliussapput imaluunniit nunasisuusimassallutik. "Saqqummersitaq" ima paasineqassaaq immiunneqarsluni saqqummersitaq Kalaallit Nunaanni niuernikkut digitaaliusumik imaluunniit timitalikkamik niuerutigineqarsinnaanngorsimasoq. Qulequqtani pingasuusuni tamani atuuppoq, Kalaaliusutut paasineqassagaanni taava kalaallit nunaanni innuttausuusariaqarpoq imaluunniit pingarnertut Kalaallit nunaanni najugaqartuuusariaqarluni imaluunniit Kalaallit Nunaanni saqqummersitsisareertuusariaqarluni.

4.3. Qulequtaq 1-imi innersuunneqartut tassaassapput nuussuaq arleriinnik nipilersungassiartalik (minnerpaamik 30 min. missaani sivissusulik) imaluunniit EP (Extented Play) saqqummersitaassallutik. EP paasineqassaaq minnerpaamik immiussanik sisamanik imaqluni. Immikkut isiginiarneqarsinnaassapput eqqumiitsuliortu/nipilsortartut ukiup ataatsip iluani single-litut saqqummersitsisimagaluarlutik saqqummersitartik aallaavigalugu nunani allani kalaallit nipilersugassiaannik maluginiarneqalersitsisimassappat imaluunniit ukiumut single-lit arlariit saqqummersissimassappagit ataasimoorussatut nalilerneqarsinnaallutik. Saqqummersitaq remix-iusimaguni taava saqqummersitatut nutaatut isigineqarsinnaanngilaq.

4.4. Kategori 2 (Isumalluarnartumut Nersornaat) taamaallaat innersuunneqarsinnaavoq eqqumiitsuliortoq/nipilsortartoq imaluunniit nipilsortartoqatigiit aatsaat siullerpaamik saqqummersitseqqaartuusimasut. Eqqumiitsuliortoq/nipilsortartoq innersuunneqarniartoq siornatigut Koda Awardsimut innersuunneqartuuusimassanngillat.

4.5. Nipilsortartup nipilersoqatigiilluunniit ataatsip immiussimasaat katiterlugit saqqummerseqqit ("Greatest Hits", Box-sæt il.il.) innersuunneqarsinnaanngillat.

4.6 Siunnersuisooqatigiit periarfissaqarput nipilsortartut eqqumiitsuliortut suliniutilluunniit soqutiginarluinnartut naliliisartunut nalilersungassatut innersuuteqqullugit, soorlu aamma allatoqarfiup akisussaaffigingaa naliliisussanut suliniuteqarfiit nipilsortartoqatigiinnermilu sunniuteqarluartut innersuassisinnaassuseqarnerannik paasissutissiissallutik.

## 5. Uppernarsaaneq naliliinissamullu sulineq

5.1. Katergoriini tamani innersuunneqartut Koda Awardsimi Naliliisussatut qinikkat 4.1.-imi sinaakkusiussat aallaavigalugit ukiumut saqqummersitat, tusarnaartitsinerit, nipilsortartullu tamakkiisumik suliaat aallaavigalugit minnerunngitsumillu nipilsortartup nunatsinni nipilsorterup ineriarneranut sunniutigisimasa aallaavigalugu.

5.2. Siunnersuisooqatigiiffiup innersuussinermi taasinermilu periuserineqartut tamakkiisumik atuutsinnejarnersut malinnaaffigissavai. Naliliinissami nalornissutaasinnaasut pillugit Koda immikkut akissiuteqarsinnaasumik sullissisoqassaaq.

## 6. Nipilsortukanik atuisinnaaneq il.il.

6.1. Nersornaasiinissamut atatillugu paasissutissiiniarnermi soorlu Koda Awards 2023imut atatillugu ammasumik taasisoqassappat il.il. Kodap nammineq imaluunniit Koda Awardsimit suleqatigineqartut

aqqutigalugit taakkua saqqummiisarfiini soorlu webikkut, mobil, podcast, TV allatigulluunniit nipi aalasuliat assitigulluunniit aqqutigalugu Koda imminut pisussaatippoq nipilersuutit inersuunneqarsimasut akeqanngitsumik saqqummiunnissaat anguniarlugu atorsinnaassallugit immiussami videot saqqummersinneqarsimasut, assit atorneqarsimasut, niptigulluunniit ussassaarutaasimasut atorsinnaassallugit immikkut saqqummersitsiviit atorneqartut killilersuutaasumik allakkatigut Kodamut nalunaaruteqaqqaarsimanngippata. Sqquimmersitalli atorneqarsinnaassanngillat Kodamut imaluunniit Grameximut akiliillutik piginneqaartuusimanissamik nalunaarsuisimanngitsut.

6.2. Imm. 6.1 taamaallaat atuutissaaq piffissami 1. januar 2023 – 31. december 2023.